

fyr seg sjølv, nemnd »bispestuen«. *Stalden* vil her i Nord-  
hordland segja floren. *Borstova* lyt faa si sogu aaleina.

Kristian IV. sitt paabod vart uppatteke i Kristian V. si  
*Norsk Lov* av 1687 og stod ved lag til »Lov om geistlige em-  
bedsgaarde« av 1897 krov utløyst soknene si aabotplikt.

»Bispestuen« hev i katolsk tid vore gjesterom aat  
bispen, naar han med stort fylgje var paa visitasferd. Sokne-  
presten held bispen og fylgjet hans med øl og mat, og nista  
dei ut paa ferdi til naamaste kyrkjestaden der næste visitas  
skulde vera<sup>1</sup>).

Haus prestebustad i millomalderen maa, som nemnt,  
søkjast paa kyrkjesida av Mjedlastraumen. Med det ka-  
tolske tidarhaldet — at presten hadde ærend til kyrkja,  
gjerne fleire gongen um dagen, laut presten bu *attmed* kyr-  
kja, so han med sømd og høgtid kunde *ganga* til kyrkja  
naar klokkone kalla til messe og tidarhald. Brui vver Mjed-  
lastraumen, slik ho no er, kan vel vera 150—170 aar; tid-  
legare hev vel *baaten* vore sambandet millom Haus (hovud-  
garden) og burt til kyrkja og upp til Mjedla. Det vert di-  
fyre rettaste aa stadfesta prestebustaden i millomalderen til  
*Hausboen*.

So hev daa, helst i ei nedgangstid daa den aarlege av-  
gift av garden *Haus* ikkje vart lagd eller kunde leggjast til  
prestebordet, denne avgifti vorte innløyst med pant i garden,  
og pantegjevaren hev samstundes laant pengar av kyrkja  
mot pant, med løysingsrett, etter tidi si vanlege vis. Løy-  
singsretten hev vorte ugild for skuld vant paa løysingsmid-  
lar grunna aukande fatigdom hjaa dei som hadde løysings-

